



Kornisch

 Täkst aw mooringer fräsch

Dåt **kornische** (*Kernowek*, dt. *Kornisch*) as en keltische spräke, di bit süwat 1800 snåkd wörd önj Cornwall (*Kernow*), di söödweestlike punkt foon Änglönj. Di wårshiinjlik leeste mansche jü di spräke snååkede, wus Dorothy Pentreath, jü 1778 störwen as. Am 1900 önjtwiklede di liirde Henry Jenner dat “iinhäids-kornische”, dat ham basiirt aw hu madålerli teoterstöögne än weeraw Robert Morton Nance dan 1958 en liirbök *Cornish for All* schriif.




Koord foon Cornwall ma noome önj kornisch än änglisch

Nü diling jeeft dat süwat 3500 manschne da kornisch snååke koone än hu jungere san sügoor deerönj aptäagen. Kornisk wårt brükt önj dat räädio, bleese än sügoor önj hu filme. 2002 heet jü europäische unjoon dat kornische as offisjälän manerhäidsspräke gödjånd.

Dåt ålens wårt wälj kritisiird, ouerdåt di spräke flicht tu e haleft üttoocht as. Natörlik moost for åle naie sååge naie uurde fünen wårde (spräkütbag), ouers uk linge da üülje kwäle ai, am jü gåns spräkeliir tu rekonstruiiren.

En Biispiel foon e spräke




Hü dat gebiit foon jü spräke tubääg ging foon 1300 bit 1750

Ma'n gath en-dadn an carr
‘Jü kât as uner e woin’.
Aw walisisch schölj dât hiitje:
Mae'r gath o dan yr car
..än aw bretonisch:
Emañ ar c'hazh dindan ar c'harr
Dât as âlsü niinj gâns grut ferschääl.

Linke

Wikipedia aw Kornisch

- Agan Tavas = "uus Sproake" (<http://www.agantavas.org.uk/>), en organisasjoon tu jü widerbelaawing foon dât kornische.
- Wat jü regiiring mååget. (<http://www.gosw.gov.uk/gosw/culturehome/heritage/cornish/>)
- Kornisch-kuurs. (<http://www.kereve.com/kernevek/languagecourse.htm>)
- Radyo an Gernewegva (Podcast aw kornisch) (<http://radyo.kernewegva.com/>) 

Faan „<https://frr.wikipedia.org/w/index.php?title=Kornisch&oldid=86101>“

Detdiar sidj as tuleetst di 22. Marts 2013, am a klook 03:55 feraanert wurden.

Statistik tu detdiar sidj

Didiar tekst stäänt oner't lisens „Creative Commons Attribution/Share-Alike“; diar kön uk noch ööder reegeln tääl. Luke am enkelthaiden uun a reegeln för't brüken. Wikipedia®